

Dr Ing. ABDULAH MUMINA GIĆ ,direktor "Geokarte" - Beograd

Dozvolite mi da se u ime geodetskih radnih organizacija iz cijele Jugoslavije pridružim čestitkama povodom ovog praznika čitave naše struke.

Ovakvi trenuci jedne struke nisu česti ni u mnogo razvijenim državama. Kod nas je ovo treći poslije rata. Mislim da ćete se složiti da postepeno otvaranje kompletnog studija geodezije na četiri univeziteta predstavlja di agram našeg rasta ,potreba zemlje i povećanja uloge i zadataka geodetske struke u razvitku i socijalističkoj izgradnji Jugoslavije.



Mi u radnim organizacijama posebno osjećamo da se pred naše stručnjake postavljaju sve složeniji zadaci - i u pogledu tehnološkog i u pogledu naučnog pristupa - za čije rješavanje ponekad nije dovoljan ni normalan univerzitetski studij, a posebno - ni samo stručna naobrazba. Da bi mogao da shvata, predvidja i rješava geodetski inženjer mora imati političko, ekonomsko i humanističko obrazovanje.

Takve stručnjake očekujemo i dobijamo sa naših fakulteta; ali često moramo višekratno ponavljati konkurse, jer stručnjaka nema. To samo opravdava osnivanje geodetskog smjera pri Gradjevinskom fakultetu u Sarajevu, koje je dobilo podršku struke i službe.

Na teritoriji ove Republike geodezija ima veliku tradiciju, pa s pravom očekujemo da će kadrovi koji izadju sa ovog fakulteta, tu tradiciju produžiti, učvrstiti i podići. U toj tradiciji geometri se nisu nikad odvajali od na roda, a baš iz ove Republike pet geometara su narodni heroji NOR-a. Mlade kadrove očekuju podvizi na stručnom i političkom polju, na izgradnji našeg samoupravnog društva.

U ime radnih organizacija zahvaljujem se na pozivu za učestvovanje na ovoj svečanosti, a takodjer i na razumjevanju Skupštine i Izvršnog vijeća SRBiH, Savjeta gradjevinskog fakulteta u Sarajevu i na naporima koje je učinila Republička geodetska uprava BiH da se otvori ovaj novi hram geodetske nauke.

Svima još jednom čestitam, hvala.